


EUGENE KINGSALE NO KIER FORMA PARTI MAS DI DETROIT TIGERS..

**Otro siman Eugene
lo yega Aruba...**



**** Eugene Kingsale despues di tabata tin un tremendo temporada di 2002 cu San Diego Padres, no a disfruta di un bon temporada 2003 cu Detroit Tigers, cual equipo e temporada aki a resulta den un fracaso total cu un record di weganan perdi. Eugene Kingsale sinembargo den inicio a haci un bon papel tanto den su bateo como fildeo, pero lamentablemente a sufri di un lesion cu a pone riba DL. Debi na esaki Eugene Kingsale a cuminsa rehabilita den Triple A y por a compronde cu e salud di Eugene Kingsale ta stabil bek. Eugene a haya e oportunidad pa sigui den e ultimo luna cu Detroit Tigers den Mayor League, pero mirando e situacion terrible y demotiva den e organizacion di Detroit Tigers, Eugene Kingsale a dicidi pa no forma parti mas di Detroit Tigers, debi cu e proximo temporada e lo ta agente liber y casi sigur San Diego Padres lo bay acerke bek. Por a compronde cu Eugene Kingsale lo yega Aruba otro siman. Tambe por a compronde cu Eugene Kingsale y Calvin Maduro lo bay forma parti di seleccion Hulandes di Baseball durante un campeonato na Cuba. Mientras awetardi Sidney Ponson lo bay sigui lucha pa gana su di 4 wega pa San Francisco Giants y su 18 wega di temporada contra Milwaukee Brewers...**